

ISSN 2181-7812

TOSHKENT TIBBIYOT AKADEMIYASI
AXBOROTNOMASI



ВЕСТНИК
ТАШКЕНТСКОЙ МЕДИЦИНСКОЙ АКАДЕМИИ

**СПЕЦВЫПУСК ПОСВЯЩЁН
НАУЧНО-ПРАКТИЧЕСКОЙ КОНФЕРЕНЦИИ
"ИННОВАЦИОННЫЙ ПОДХОД И
ПЕРСПЕКТИВЫ СОВРЕМЕННОЙ
СУДЕБНОЙ МЕДИЦИНЫ И
КРИМИНАЛИСТИКИ"**

**№3/2
2023**

TOSHKENT

ТЎШ СУЯГИНИНГ ЁШГА БОҒЛИҚ ХУСУСИЯТЛАРИНИНГ СУД- ТИББИЙ АҲАМИЯТИ

Отамурадов А.К.

Республика суд тиббий экспертиза илмий амалӣ маркази Тошкент шаҳар филиали

Хасанова М.А.

Тошкент тиббиёт академияси (Тошкент, Ўзбекистон)

Мавзунинг долзарблиги. Суд тиббий текширув услубларида, яъни ҳар қандай тиббий криминалистик текширувларда шахси номаълум мурдаларнинг айнан ёшни аниқ айтиш имконияти бўлмайди (кун, ой, туғилган йил). Бу текширув услублари жинс, ирқий хусусиятлар, шарт –шароит ва турмуш тарзига ва индивидуал хусусиятларнинг катта тебраниши билан боғлиқ бўлади, шунинг учун тиббий криминалистик текширув вақтида тахминий суяк ёшлари аниқланади. Изсиз йўқолган фуқаролар ва шахси аниқ бўлмаган мурдаларни, шунингдек бўлакланган мурдаларни шахсини аниқлаш (идентификациялаш) суд-тиббий экспертлар ва ҳуқуқ-тарғибот идоралари ходимлари олдида турган энг қийин ва долзарб вазифалардан бири ҳисобланади [1;3;5].

Ушбу экспертизалар одатда мураккаб бўлиб, кўп меҳнат талаб киладиган экспертизалар қаторига киради. Бундай экспертизалар ҳамма вақт ҳам экспертиза олдида ҳал қилиш учун қўйилган вазифаларни тўла ечиш имкониятига эга бўлмайди. Фақат скелети қолган мурдалар бўйича суяк қолдиқлари ёрдамида шахсининг жинс, ёш, ирқ, бўйи ва кўмилган вақтини аниқлаш учун ашёвий далилларни (бош суяги пастки жағ билан, сон, елка, билак, тирсак, катта ва кичик болдир, тос суяклари, умуртқа, курак, қобирға, тўш) мумкин қадар кўпроқ олиш керак, чунки улар қанчалик тўлиқ йиғилса қўйилган саволларга аниқроқ жавоб бериш мумкин. Экспертиза ва текширувларнинг самарадорлиги кўплаб омилларга боғлиқ. Хусусан, текширувларни ўтказишга ҳар томонлама, тўлақонли тайёргарлик кўриш, суд экспертизасининг тобора кенгайиб бораётган имкониятларидан кенг фойдаланиш шулар жумласидандир [2;4;6].

Мақсади. Суд-тиббий экспертиза материаллари бўйича тўш суягининг турли жиҳатларини таҳлил қилишдан иборат.

Материал ва усуллари. Шахс айнанлигини аниқлаш ҳолатларида тўш суягининг анатомик ва анатомоморфологик хусусиятлари бўйича суяк ёшини аниқлаш бўйича суд-тиббий экспертизаларни баҳолашда тўш суякларда кузатиладиган анатомик ва анатомоморфологик ўзгаришларни таҳлил қилиш, суяк ёшини баҳолаш мезонларини таҳлил қилиш, таққослаш, мантиқий ҳамда статистик таҳлил усулларида фойдаланилган. Ушбу текширувда ҳар хил ёшдаги ва жинсдаги инсонлар ва ҳар хил миллатга (рус, қирғиз, монгол, ўзбек, туркман, грузин, осетин, армян, татар, тожик ва бошқалар) мансуб бўлган ҳудуд вакиллари орасида олиб борилди. Бу текширувлар тиббий криминалистлар томонидан юқорида кўрсатиб ўтилган 2015–2021 йиллар давомида тўш суякларини ўрганиб, уларнинг шаклланиш жараёнида ҳар хил ўзгаришларга учрашини ҳисобга олган ҳолда тўш суягининг ёшга нисбатан ривожланиш босқичларини аниқлаш мақсадида текширув таҳлили ўтказилди.

Мазкур бўлимда ўтказиладиган экспертиза ва текширувлар, жиноий ва фуқоролик ишларини олиб бориш жараёнида тезкор қидирув ва суд прокуратура ходимлари олдида тўғиладиган кўплаб масалаларни ҳал этишда шахс айнанлигини аниқлаш экспертизасинининг ўтказилиши адолатни қарор топтиришда муҳим аҳамиятга эга.

Тадқиқот натижалари. Ушбу текширувлар тиббий криминалистлар томонидан юқорида кўрсатиб ўтилган 2015–2021 йиллар давомида 1111 та тўш суякларини ўрганиб, уларнинг шаклланиш жараёнида ҳар хил ўзгаришларга учрашини ҳисобга

олган холда тўш суягининг ёшга нисбатан ривожланиш босқичларини аниқлаш мақсадида текширувдан ўтказилди. 2015–2021 йиллар давомида Республика суд-тиббий экспертиза илмий-амалий маркази ва Тошкент шаҳар филиали тиббий криминалистика бўлими экспертлари томонидан ўрганилган эркак ва аёл мурдаларидан олинган тўш суяклари сони қуйидаги жадвалларда кўрсатиб ўтилди.

1. Умумий тадқиқот давомида ўрганилган номаълум эркак ва аёл мурдаларидан олинган тўш суяклари сони 1-жадвалда кўрсатиб ўтилган:

1-жадвал

№	ЙИЛЛАР	Эркак	Аёл
1	2015	179	46
2	2016	216	59
3	2017	210	46
4	2018	118	25
5	2019	36	8
6	2020	55	11
7	2021	84	18
	ЖАМИ	898	213

2.Тадқиқот давомида ўрганилган номаълум эркак ва аёл мурдаларидан олинган тўш суяклари сонига нисбати ҳар йилдаги нисбати фоиз (%) ларда 2-жадвалда кўрсатиб ўтилган:

2-жадвал

№	ЙИЛЛАР	Эркак- %	Аёл -%
1	2015	79,6	20,4
2	2016	78,5	21,5
3	2017	82,0	18,0
4	2018	82,5	17,5
5	2019	81,8	18,2
6	2020	83,3	16,7
7	2021	82,3	17,7
	ЖАМИ	80,82	19,18

2015–2021 йиллар давомида Республика суд-тиббий экспертиза илмий-амалий маркази Тошкент шаҳар филиали ва Марказ тиббий криминалистика бўлими экспертлари томонидан ўрганилган эркак ва аёл мурдаларидан олинган тўш суякларининг суякланиш жараёнини ўзига хос хусусиятларини, ўлчамлари ва шакли, бирлашиш юзаларини характери, қовурға уйиқчалари ва тўш суягининг айрим белгилари аҳамиятга олинди ва тўш суягини ривожланишини бир неча босқичида йиллар давомида бир қанча ўзгаришларга учрашишини ва ўзига хослигини инобатга олиб, тўш суяги ёш босқичларга бўлиб, ўрганилди ва таҳлил қилинди.

Хулоса қилиб шуни айтишимиз мумкинки, тўш суягининг суякланиш жараёнини ўзига хос хусусиятларига асосланиб, туш суягининг турли жиҳатларини таҳлили суд тиббий экспертиза жараёнида суд тиббий криминалистлар учун ёши ва жинсини баҳолашда муҳим аҳамиятга эгадир.

Адабиётлар.

1. Абрамов С.С. «Медико-криминалистическая идентификация» //Настольная книга судебно - медицинского эксперта. - М.: Норма-Инфра, 2000. - 465 с.
2. Звягин В.Н. Текущие проблемы медико-криминалистической идентификации личности // Проблемы экспертизы в медицине. - 2012. - Т. 12. - №. 3-4 (4748). - С. 39-43.
3. Карандеева А. М. и др. Рентгеноанатомические изменения грудины с учетом возрастной периодизации //Клинико-морфологические аспекты фундаментальных и прикладных медицинских исследований. - 2021. - С. 97-100.
4. Пиголкин Ю. И. «Определение возраста человека по костной ткани». //Судебно-медицинская экспертиза. - 2012. - Т. 55. № 1. - С. 49-52.
5. Титаренко Н., Власюк И. В. Признаки внешности человека, их значимость при определении возраста (по данным литературы) //Избранные вопросы судебно-медицинской экспертизы. - 2014. - С. 95-97.
6. Ремизова А. С., Ульяновская С. А. К вопросу о методах идентификации личности //Современные проблемы науки и образования. - 2020. - №. 6. - С. 164-167.